



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Sacrificio Missæ Expedite Celebrando Libri III

Tamburini, Tommaso

Coloniæ Agrippinæ, 1661

De Religiosorum Privilegiis circa locum sacrificii paragr. 3

urn:nbn:de:hbz:466:1-41878

personale est, simul & locale, id est concessum tali domui respectu Episcopi, cujus est. E contra autem, si definat talis domus esse Episcopi, amittitur tale privilegium, quia tunc nullus est respectus ad Episcopum. Puto item, si locetur aliis, vel etiam si concedatur aliis ejus usus, amitti, seu non vigere privilegium, siquidem jam definit respectus prædictus, qui non fundatur in dominio, sed in usu, quem vel ipse, vel saltem sui obtinent talis domus.

Tertio, fideles, si ibidem intersint Sacro, satisfacere præcepto; ut Sacra Congregatio declaravit ^a & nos universaliter dicemus infra §. 3 n. 6.

§. III.

*De Religiosorum Privilegiis circa
locum Sacrificii.*

I. **V**T explicentur privilegia in re hac Mendicantium, & eorum,

^a *Apud Dian p. 6 tr. 8. res. 40. fine.*

eorum, qui cum ipsis in privilegiis communicant, quales hodie ferè sunt *a* omnes Religiosi, tria privilegia sunt distinguenda, quæ jam sigillatim proponam.

Omitto autem disputare, an iidem possint pro suo usu benedicere (non quidem consecrare) suas Ecclesias, & consequenter ibi divina celebrare, quia hoc posse, certum est, & sine controversia, ut habetur *b* in compendio privilegiorum Soc. Jesu, pro qua tamen Societate adest limitatio sui Generalis, *ne id fiat publice nec nisi Ordinarii absint, vel id gravate faciant.*

2. Ex quo ultimo obiter nota, *c* posse Episcopos benedicere Ecclesias Religiosorum; & eorundem Oratoria privata in domibus, vel villis deputare ad Sacrificium.

F 4

non

a Portell in dub. Reg. V. Communication 2. Tambur tom 1. de jur. Abb d. 17. quesito. *b* Comp p Soc. Jesu V. Oratoria in fine limitationis. *c* Henriq. l. 9. c. 27. n. 1.

non obstante exemptione dictorum Religiosorum: Ratio est, quia id cum sit in commodum ipsorum, exemptioni non contradicit, & ex alia parte, Oratoria etiam privata Religiosorum non dicuntur esse in domibus privatis, contra quas agit Tridentinum, *a* sed in domibus communitatis. *b* Sed ad rem propositam revertamur.

Primum Privilegium Mendicantium, quo possunt celebrare per modum actus, in quolibet loco decenti, quando versantur in Missionibus.

3. **C**oncessum est Privilegium Societatis Jesu *c* à Gregorio XIII post Concilium Tridentinum cum ejus sufficienti derogatione, & consequenter communicantibus in privilegiis, *ut possint*

Patres

a Trid. sess. 22. decreto de observ. Eccl.

b Lessan. V. Altarenum 13.

c In comp. Privil. Soc. I. V. Altare; Peyr. 20. i. in constit. Pyrrhin. 28.

*Patres in Missionibus, quæ à Superiore
sunt, Sacrificium, Missæ super Altari
viatico, ubique gentium, cum debita
reverentia, & honore celebrare etiam
in Castris Militum, modo loca eisi
communia, & profana, tuta, & hone-
sta sint, & Præpositus Generalis, aut
per eum Provincialis, eo utendum fo-
re, judicaverint, & posse ibidem Sa-
cræ Eucharistiæ Fidelibus mini-
strare.*

4. Ubi nota Primo, id posset et-
iam in Cameris sæcularium, id e-
nim notat illud (*ubique gentium.*)

5. Nota Secundum, è contra, non
posse hoc privilegio gaudere Præ-
byteros non Religiosos, qui forte
socii sunt in missionibus talium Re-
ligiosorum, quia Privilegium est
personale, id est, concessum solis
Religiosis

6. Peres: quilibetne fidelis pro-
terit interesse eiusmodi Sacro, &
satisfacere præcepto de eo audien-
do in diebus festivis? Respondeo,
quem-

quemlibet posse. *a* Ratio est, quia præceptum hoc non arctat Fideles, ut in tali, vel tali loco audiant, sed ut audiant Missam. Quod si textus *c. 1. de Parochis* contrarium dicat, jam is est usu, & consuetudine abrogatus. Confirmatur, quia quando Pontifices volunt, ne in aliquo loco Fideles, audiendo Missam, possint præcepto satisfacere, id diserte declarant, ut, passim, nunc observatur in Brevibus, per quæ Oratoria privata conceduntur, de quibus infra §. 4.

Secundum Privilegium concessum Mendicantibus celebrandi in quocumque loco, etiam extra Missionem.

7. **I**N Corpore juris *b* amplum privilegium conceditur Fratribus

a Azor Suarez Tol. Barb. apud Dianam pag. 6. tr. 8. res. ultim. §. Quod autem possimus. *b* *c. in his de privilegiis.*

tribus Prædicatoribus, & consequenter communicantibus, in privilegiis. *Mirari compellimur (ait Honorius Pontifex) quod cum Fratribus Prædicatoribus, & Minoribus duxerimus indulgentiam, ut ubique fuerint, sine Parochialis juris præjudicio, cum Altari valeant viatico celebrare; quidam, nimis strictè interpretando indulgentiam nostram, nituntur asserere, quod, per eam, prædicti Fratres, prælatorum assensum, facere hoc non possint; præterea quod eos celebrare, juxta indulgentiam Apostolicam non permittunt. Cum autem nihil eis conferret memorata indulgentia, sine qua, id Prælati annuentibus, liceret eisdem; Fraternalitati tuæ mandamus, quatenus, interpretatione hujusmodi reprobata, dum tamen ab aliis, quæ jure Parochiali proveniunt, prorsus abstineant, datam eis licentiam celebrandi, auctoritate nostra non differas publicare, ita quod dicti Fratres aliquando, ex indulgentia nostra videant, in hoc, gratiam consecuti.*

8. Hæc

8. Hæc Honorius, quæ deinde confirmavit Innocentius Quartus, Sixtus Quartus, alique ^a Pontifices, & Paulus Tertius ^b sic ample concessit. *Liceat Præpositis & de eorum etiam facultate universis Fratribus & Sociis Societatis in locis, in quibus degunt, & eos pro tempore morari contigerit habere Oratoria, & in eis, at quocumque alio honesto, & congruenti loco, in Altari portatili cum debita reverentia, & honore celebrare.*

9. Ubi nota his privilegiis, non gaudere Sacerdotem exterum, forte socium Religiosi, ex dictis n. 5. & è contra, ibi satisfieri præcepto audiendi Sacrum à quocumque Fidei per ea, quæ diximus n. 6.

10. Circa quæ adhuc dubitabis Primo, an Honorii dictum Privilegium sit revocatum per Concilium Tridentinum, ^c & idem quæri potest

^a *Rodr. in comp. res 9. n. 4. & 8. Pasqual. decis. 174. & 76.* ^b *Paulus 3. in Bulla licet debitum.* ^c *Trid. sess. 22. decr. de observ. in celeb. Miss.*

potest de dicto privilegio Pauli 33
allato num. 8.

Respondeo, esse revocatum do-
cent plures, *a* sed immerito, nam
propterea alii, *b* probabilius, ne-
gant. Ratio facilius horum debet
esse, quia Tridentinum solum de-
cernit, ne Episcopi patiantur, pri-
vatis in domibus, à sæcularibus,
vel Religiosis Missam celebrari.
Donec igitur Episcopi prohibent,
seu contradicunt, non est revoca-
tum dictum privilegium celebra-
di, etiam in Cameris sæcularium,
etiam in Cameris propriis Reli-
giosorum, hoc enim significat il-
lud (ubicumque fuerint) quid-
quid dicat Rodriguez, *c* modo sit
locus decens, & aptus, ut semper
supponitur.

G

12. Quod

a Navarr. Azor. Suar. Far. Barb.
Coninch aliique cit. à Pasqual. dec. 54.
b Vterque Rodr. Portell. March. Delugo
aliique apud Dian p. 6. tract. 8. cess. 39.
c Pasqual. d. dec. 54. c. Rodr. comp.
res. 9. n. 5. aliique apud ipsum.

11 Quod dicimus de privilegio Honorii, idem propter paritatem rationis dici posset de Privilegio Pauli 3. allato dicto n. 8.

Dices Gregorius 13. concedens Patribus Soc. simile privilegium, sed restrictum ad solos Missionantes, ut retulimus n. 3. asserit hoc privilegium Pauli 3. allatum dicto num. 8. revocatum fuisse à Tridentino. Respondeo Primo, Gregorium id supposuisse ex opinione plurium modo dicta. Respondeo Secundo, ideo à nobis magis æstimari privilegium Honorii in Corpore juris insertum, quam hoc Pauli 3.

12. Dubitabis Secundo, quid importet illud Honorii (*sine præjudicio Ecclesie Parochialis*) Respondeo, importare, ut id fiat à Religiosis, non exigendo Primo decimas. Secundo primitias, uno verbo oblationes, quæ debentur Parocho de jure, ex

eo quod Sacramenta ministret. Ita
declaravit a Sixtus V.

13. Dubitabis Tertio An eodem
Honorii, vel Pauli privilegio
fruantur Patres Societ. Jesu. Re-
spondeo posse frui, non est dubium,
quia ipsi Mendicantes sunt. Dico
(posse) nam de facto non fruun-
tur. Ratio est, quia, ut alibi b di-
ctum est, ex una parte, omnia pri-
vilegia, quæ Societas vel ex se, vel
per communicationem cum aliis,
habet, à suo Generali communi-
cari Patribus debent, ut ad usum
ea referre possint: & ex alia idem
P. Generalis declaravit nemini ex
Patribus suis licere uti privilegio
aliquo, quod non sit in compendio
privilegiorum Societatis exscri-
ptum inveniat, communicatum
ipsis nequaquam est. Poterunt ta-
men Patres à R. P. Generali illud
sibi communicandum impetrare,

G 2 &

a Apud Rodr. in comp. ref 9. num. 6.
Tambur. de jur. Abbat. to. 1. d. 18. quæ-
sito 6. n. 18. b Sup. c. 1. §. 2. n. 8.

& tunc illo, rite, uti, non vetabuntur.

Tertium Privilegium concessum Mendicantibus deputandi Oratoria privata in suis domibus, ubi per modum habitus indifferenter ab omnibus celebratur.

14. **E**Xtat de hac re privilegium Patribus Societatis, & consequenter ceteris communicantibus concessum a Gregorio XIII. post Tridentinum cum clausulis illud sufficienter derogantibus, in quo datur facultas, ut in Oratoriis, & Capellis, quæ Provinciales Societatis, per seipfos, domibus, Collegiis, & aliis locis, ubi aliqui Societatis residebunt, approbaverint, Missæ, & alia divina Officia celebrari possint, nullius alterius ad id requisita licentia.

15. Differt autem hoc privilegium à præcedentibus. Illa enim dant

a lo comp. Privil. Sec. V, Oratoria.

dant facultatem celebrandi in quocunque loco decenti, sed per modum actus, à solis Religiosis illis: hoc vero, in Oratoriis ad ipsum Sacrificium deputatis, sed per modum habitus, ac veluti permanenter, & quidem indifferenter ab omnibus. Ibidem posse Fideles satisfacere præcepto de audiendo Sacro, non est dubium, ut supra num. 6. in simili diximus.

16. Illud nota, Patribus Soc. adesse hanc restrictionem. *Non utantur Provinciales* (sunt limitationis a verba) *hac facultate, nisi in locis remotis ab oppidis, in quibus Ordinarii existunt, aut ubi probabiliter timetur quod illi, cum opus fuerit, difficiles se exhibebunt ad huiusmodi Oratoria deputanda.*

17. Vides restrictionem? qua, quia non tenentur alii Religiosi communicantes (cum supponamus à suis Generalibus non fuisse restrictos) libere Privilegio

G 3

frui

a Ibidem.

frui poterunt. Patres autem Societatis in casu occurrente hujus restrictionis, vel recurrant ad suum R.P. Generalem, ut in simili notavimus n. 13 vel ad Episcopum, ut n. 2. dictum est.

§. IV.

De Oratoriis in domibus privatis de licentia Summi Pontificis.

I. **B**reve Pontificium concedens Oratorium privatum hujus tenoris esse hodie solet.

Innocentius Papa X. Tibi *Dice-*
cesis Panormitana, qui; ut asseris, de
nobili genere procreatus existis, ut
in privato domus tua solita habita-
tionis Oratorio, ad hoc decenter muro
extructo, & ornato, seu extruendo, &
ornando ab omnibus domesticis usibus
libero, per *Ordinarium loci prius vi-*
sitando, & approbando, ac de ipsius
Ordinarii licentia, ejus arbitrio dura-
tura, unam Missam pro unoquoque die
dum;